



Broj: 02-49- 01101/17-5  
Datum: 07.08.2017. godine

Na osnovu člana 70. Stav 1., 3. i 6. Zakona o javnim nabavkama („Službeni glasnik BiH“, broj:39/14) i preporuke Komisije za javne nabavke za dodjelu ugovora date u Zapisniku o pregledu i ocjeni ponuda broj: 02-49-01101/17-4 od 11.07.2016. godine, Općinski načelnik d o n o s i:

## ODLUKU O DODJELI UGOVORA NAJPOVOLJNIJEM PONUĐAČU

### I

Ugovor za javnu nabavku usluge - izrade Urbanističkog plana Općine Donji Vakuf za period 2017. do 2027. godine, dodjeljuje se **Urbis centar d.o.o Ul. Bulevar vojvode Stepe Stepanovića 101a , 78000 Banja Luka** , kao najpovoljnijem ponuđaču za ukupnu ponudenu cijenu od 29.000,00 KM (bez PDV-a) odnosno 33.930,00 KM ( sa PDV-om).

### II

Primjerak ugovora dostavit će se odabranom ponuđaču u roku od 15. dana od dana kada su svi ponuđači obavješteni o izboru napovoljnijeg ponuđača.

### III

Ova odluka donesena je, nakon okončanog postupka javnih nabavki provedenog na osnovu odluke načelnika Općine Donji Vakuf, broj: 02-49-01101/17 od 09.06.2017.godine, putem otvorenog postupka za dostavu ponuda broj: 02-49-01101/17 -1 od 13.06.2017. godine te preporuke Komisije za javne nabavke za dodjelu ugovora date u Zapisniku o pregledu i ocjeni ponuda broj: 02-49-01101/17-4 od 11.07.2017. godine.

Javna nabavka je objavljena na portalu javnih nabavki pod brojem: 1344-1-2-14-3-6/17 od 13.07.2017. godine .

### IV

Zadužuje se Služba za prostorno uređenje, katastar i imovinsko-pravne poslove, da u suradnji sa Službom za poslove općinskog vijeća i općinskog načelnika poduzme aktivnosti vezano za realizaciju ove odluke.

### V

Odluka stupa na snagu danom donošenja iste, a bit će objavljena na službenoj web-stranici općine Donji vakuf [www.donji-vakuf.ba](http://www.donji-vakuf.ba) i dostavljena svim ponuđačima koji su učestvovali u postupku javne nabavke.

## O b r a z l o ž e n j e

Dana 09.06.2017. godine Općinski načelnik je svojom odlukom broj: 02-49-01101/17, a na osnovu zahtjeva pomoćnika načelnika za prostorno uređenje, katastar i imovinsko-pravne poslove pokrenuo postupak javne nabavke usluge-- izrade Urbanističkog plana Općine Donji Vakuf za period 2017. do 2027. godine.

Procjenjena vrijednost javne nabavke je 40.000,00 KM bez PDV-a.

Kako se radilo o javnoj nabavci procjenjene vrijednosti preko 6.000,00 KM a manjoj od 50.000,00 KM to je odlučeno da se javna nabavka izvrši putem otvorenog postupka za prikupljanje ponuda, te je obavjest o javnoj nabavci prosljeđena na portal javnih nabavki i objavljena pod brojem: 1344-1-2-14-3-6/17 od 13.07.2017. godine u 8:00 sati te objavljena u Službenom glasniku BiH broj:43/17 dana 16.06.2017. godine.

Nakon proteka roka za dostavu ponuda koji je bio 05.07.2017. godine do 12:00 sati Komisija za javne nabavke je na sjednici održanoj 05.07.2017. godine u 13:00 sačinila Zapisnik o otvaranju ponuda te konstatovala da je u skladu sa Zapisnikom o prijemu ponuda broj. 02-49-01101/17-2 sačinjenim u prijemnoj kancelariji:

- blagovremeno pristigle 4 (četiri) ponude i to:
  - 1) Projekt a.d Banja Luka;
  - 2) Ecoplan d.o.o Mostar;
  - 3) Institut za građevinarstvo „IG“ Banja Luka;
  - 4) Urbis centar d.o.o Banja Luka;
- da nije bilo neblagovremeno pristiglih ponuda.

U postupku donošenja ove odluke posebno su cijenjene činjenice da je Komisija za javne nabavke u skladu sa članom 65. Zakona o javnim nabavkama, pravilno i potpuno izvršila ocjenu kvalificiranosti ponuđača shodno tenderskoj dokumentaciji a prema kojoj je ocijenila da ponude ponuđača Institut za građevinarstvo „IG“ Banja Luka i Ecoplan d.o.o Mostar treba ODBACITI.

Ponuda ponuđača Institut za građevinarstvo „IG“ Ul. Kralja Petra I Karađorđevića 78000 Banja Luka je ODBAČENA. Razlog za odbacivanje ponude navedenog ponuđača sadržan je u činjenici da ponuđač nije ispoštovao zahtjev, odnosno ispunio uslov, ugovornog organa Općine Donji Vakuf postavljen u tenderskoj dokumentaciji pod tačkom 13.2 Naime, ugovorni organ je postavio uslov da ponuđač mora dokazati svoju ekonomsku i finansijsku sposobnost a u skladu sa članom 47. ZJN tako što će dokazati da mu računi otvoreni kod poslovnih banaka nisu blokirani u posljednjih 6 (šest) mjeseci. Valjan dokaz po ovoj tački tenderske dokumentacije je Izvještaj Centralne banke BiH, koji sadrži podatke o svim otvorenim bankovnim računima pravne osobe. Kako bi ponuđači dokazali da svi njihovi bankovni računi nisu bili blokirani u posljednjih šest (6) mjeseci prije prijave na predmetni postupak javne nabavke dostaviti će potvrde koje izdaje druga finansijska institucija (sve banke kod kojih su računi otvoreni) kojima se dokazuje da svi otvoreni računi ponuđača nisu bili u blokadi u posljednjih šest (6) mjeseci prije prijave na predmetni postupak javne nabavke. Uvidom u dostavljenu ponudu utvrđeno je da je ponuđač priložio Izvještaj Centralne banke BiH ali da NIJE priložio traženi dokaz, potvrde banaka kod kojih su otvoreni računi. Imajući u vidu navedeno ponuda je i odbačena.

Ponuda ponuđača **Ecoplan d.o.o Mostar, Ulica Dr. Ante Starčevića bb, 88000 Mostar** je ODBAČENA. Razlog za odbacivanje ponude navedenog ponuđača sadržan je u činjenici da ponuđač ugovornom organu nije u ostavljenom roku dostavio osnovano obrazloženje ponuđene cijene. Naime, prilikom pregleda ponuda ustanovljeno je da je ponuda ponuđača Ecoplan d.o.o Mostar u visini od 26.091,00 KM za više od 20% niža od cijene drugorangirane prihvatljive ponude ponuđača Urbis centar d.o.o Banja Luka. ( $33.930,00 \times 20\% = 6.786,00$ ;  $33.930,00 - 6.786,00 = 27.144,00$  KM). Zbog toga je u skladu sa članom 66. Stav 1. Zakona o javnim nabavkama ugovorni organ dana 11.07.2017. godine svojim zahtjevom broj : 02-49-01101/17-3 zatražio od ponuđača, Ecoplan d.o.o Mostar, pojašnjenje ponuđene cijene, smatrajući istu kao neprirodno niskom ponuđenom cijenom. Kako ponuđač Ecoplan d.o.o Mostar u ostavljenom roku od 5. dana odnosno do dana zaključenja ovog zapisnika, NIJE dostavio nikakav odgovor niti dao osnovano pojašnjenje cijene to je imajući u vidu član 66. stav 1. Zakona o javnim nabavkama, ponuda i odbačena.

Nakon izvršenog pregleda se došlo se do rang liste :

Redni broj	Naziv ponuđača	Cijena kao kriterij za odabir najpovoljnije ponude bez PDV-a	Cijena kao kriterij za odabir najpovoljnije ponude sa PDV-om	Ponuđeni popust
1.	Urbis centar d.o.o Banja Luka	29.000,00	33.930,00	Ne
2.	„Projekt“ a.d Banja Luka	29.700,00	34.749,00	Ne

Imajući u vidu sve gore izneseno, odredbu člana 64. stav 1. tačka b) najniža cijena ponude, Zakona o javnim nabavkama, preporuku Komisije za javne nabavke datu u Zapisniku o pregledu i ocjeni ponuda od 11.07.2017, godine odlučeno je kao u dispozitivu ove Odluke.

**POUKA O PRAVNOM LIJEKU:**

Protiv ove odluke može se izjaviti žalba u roku od 10 (deset) dana od dana prijema ove Odluke. Žalba se podnosi u pisanoj formi ugovornom organu u dovoljnom broju primjeraka, a koji ne smije biti manji od tri.

**Dostaviti:**

1. Ponuđačima x 4
2. U spis
3. a/a



Općinski načelnik  
Hušo Sušić